

### Raport da gestiùn da la co-presidenta

La radunanza generala da la URGC â gieù liac igls 8 d'october 2020 a Donat. Ella â stuieù vagnir spustada segl atun parve digl scumond da far radunanzas durànt l'amprema unda da la pandemeia digl Covid 19.

#### Tscheartga da candidatas a candidats a ligidas

Suainter 7 ons sco presidenta/ co-presidenta ad an tut 14 ons lavur an suprastanza e la Zegna Pittet-Dosch sortida da la suprastanza da la URGC igl atun 2020. Malgrad egn'intensiva tscheartga ear'igl betga gartagieu da catar egnà succesiùn par ella sen la radunanza generala. Cun novas forzas ân igl Marc Decurtins a la Carmen Dedual ancuretq quest unviern candidats a candidatas an Surmir. Uss eassan cuntaints da saver preschantar Simona Demarmels da Savognin pigl co-presidi. Ascheia duess igl presidi da l'URGC puspe vagnir mano d'egna parsùna or digl antschies da la Sutselva a d'egn'otra parsùna or digl teritori surmiran durànt igls proxims ons. Deplorablameing bandùna Marc Decurtins sen la proxima perioda d'ufezi la suprastanza. Durànt 8 ons â el mano cunzenziusameing la cassa da l'URGC. Graztga a la sia ruassevladad ponderada ad a la sia savida â el gido da rivar dabot tier egn consens agls dascurs da suprastanza. Par la sia grànda lavur angraztgagn nus cordialmeing. La suprastanza propona da eliger Flavio Guetg da Savognin sco cassier. Men Candreaia da Savognin vean proponieu pigl post vacànt sco supleànt da suprastanza ad el de mademameing survagnir la funcziùn da delego. Gion Capeder â rapreschanto la nosssa regiùn durànt 12 ons an la suprastanza da la Leia Rumantscha. La sia perioda d'ufezi va deplorablameing a fegn igl atun 2021. El â parschudieu antras igl sieus grànd angaschamaint par la tgossa rumantscha ad â raporto da maniera fidevla las dezisiùns a discussiùns da suprastanza da la LR. Nus angraztgagn ad el zund fetg par la sia lavur a speragn c'el turni an egn peer ons an egn ufezi par s'angaschar danovameing pigl rumantsch. Nus eassan cuntaints da saver preschantar ear qua egn bün candidat cun proponer Patric Vincenz da Savognin sco rapreschantànt da la Sutselva a digl Surmir an la suprastanza da la Leia Rumantscha.

Sper la tscheartga da candidatAs par las funcziùns an la URGC eassan ear s'ocupos d'ancurir egnà candidata near egn candidat pigl presidi da la Leia Rumantscha. Propostas par la succesiùn da Johannes Flury prandainsa bugent ancunter. Anzemel cugl president da la Surselva Romontscha Alberto Palaia ad igl president da l'Unión dals Grischs Herrmann Thom furma igl co-presidi da l'URGC la cumissiùn d'elecziùn. Nus speragn da saver preschantar cuminevlameing anzaquàntas candidatas near candidats pigl presidi da la Leia Rumantscha par màns da la radunanza generala da Lia Rumantscha digl atun.

#### Activitads, sustegn a promoziùn

-Nus vagn conzedieu egn sustegn par crear la «app dicziunari». Quella app par telefonets porscha igl access direct a tut igls dicziunaris digitalis rumantschs agls idioms ad an rumantsch grischùn. Igl daners vignan pajieus or cur ca la app funcziuna an surmiran, sutsilvan ad an rumantsch grischùn.

-L'URGC â dezidieu da dar egnà cuntribuziùn a Benni Vigne par produtgear cun la sia grupa 'benni and brothers2' egn dc ad egn cudesch cugl tetel «melodias da mes tat».

-La URGC sustegna las prelecziùns online ca la canorta da Surses porscha anzemel cun la biblioteca da Savognin.

-Las scoletas a tarmagliearas a Donat ad a Surmir vignan sustanidas cun cudeschs a daners.

-Puspe e'gl gartagieu agl team da redacziùn da la Revista digl Sulom da publitgear duas interessàntas ediziùns. Egn grànd graztga fetg par lur stupenta lavur agls redactors Pia Plaz, Cornelia Candreaia a Rafael Müller ad â Petra Uffer a Reto Capeder, ca fan igl lectorat. Egn cordial angraztgamaint ear agls numerus inserents digl Sulom, sainza els dess igl nigra Revista digl Sulom

Jou less betga mancantar d'angraztgear a tut las parsùnas c'impundan tains ad energieia par la tgossa rumantscha. An spezial va igl mieu angraztgameint a Marc Decurtins c'â sustanieu me fetg durànt quella curta perioda d'ufezi ad a las promoturas da Leia Rumantscha Carmen Dedual a Martina Cantieni, sco ear agls ulteriurs cunsuprastànts Rico Michael a Giulia Riedhauser.

Donat, igls 22 da matg 2021

Gierina Michael